

Mazarin  
2503

Motifs De La Retraicte  
De Monsievr Le Prince

**RARE BOOK  
COLLECTION**



**THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL**

Mazarin  
2503

UNIVERSITY OF N.C. AT CHAPEL HILL



00023003376



# MOTIFS

DE LA RETRAICTE  
DE MONSIEVR  
LE PRINCE

A PARIS,  
Chez NICOLAS VIVENAY, tenant  
sa Boutique au Palais.

---

M. DC. LI.



NOTES

DE LA RELEVANCE

DE MONSIEUR

LE PRINCE

A PARIS,  
CHEZ COEUS VIVINAY, Libraire,  
le Boulevard du Palais.

M. DC. LII





# MOTIFS

## DE LA RETRAICTE

## DE MONSIEVR

# LE PRINCE

**M**onsieur le prince ayant descouvert il y a trois mois que ses ennemis faisoient des conjurations secretes contre sa personne, que M. le Coadjuteur auoit eu des conferences avec le sieur de Lyonne chez le Comte de Monthefor, que Laigue y auoit assisté comme Agent de madame de Chevreuse, & qu'apres auoir pris de nouveaux engagements avec les mesmes creatures du Card. mazarin, qui auoient autrefois conseillé son iniuste emprisonnement, on auoit resolu dans cette derniere conjuration de se saisir de son Altesse, lors qu'elle iroit



rendre ses respects au Roy, il se retira en sa maison de S. Maur, & apres auoir informé le parlement des iustes causes de sa retraite il fut arresté que pour faire cesser ses deffiances on l'éloigneroit des Conseils du roy trois personnes qui luy estoient suspectes par l'attachement qu'elles auoient au Card. mazarin. Tout le monde sçait qu'incontinent apres Monsieur le Prince se rendit au Palais Royal, mais qu'il y fut si mal receu, que M. le Duc d'Orleans luy dit qu'il ne croyoit pas qu'il y peust retourner en seureté, & qu'il ne vouloit point luy donner vn Conseil, de l'euene-ment duquel il ne pouuoit estre garand.

Depuis ce temps-là ces mesmes ennemis qui broüillent l'Estat depuis tant d'années pour leurs interests particuliers, afin de satisfaire à leurs passions, ont continué leurs factions & leurs caballes, & pour executer les pernicieux desseins qu'ils ont faits contre la personne de M. le Prince, ils ont persuadé à la Reyne d'enuoyer au parlement vn escrit plain de calomnies contre la reputation de son Altesse. Monsieur le Duc d'Orleans qui sçait combien l'vnion de la maison royale est necessaire pour le repos public, & qui connoist la sincerité des intentions de M. le Prince enuoya vne Declaration par laquelle il iustificoit entierement sa conduite, & condamnoit les mauuais conseils de ceux qui auoient surpris sa Majesté.

On



On a veu Monsieur le Prince demander iustice au Parlement, on sçait avec quels artifices ses Ennemis ont fait languir son innocence iusques au derniers iours de la minorité, apres beaucoup de remises; enfin il a semblé que les iustes plaintes de Monsieur le Prince eussent esté exaucées, puis que par vne Declaration verifiée dans le Parlement, & depuis publiée le Roy tenant son liect de iustice, sa Maiesté a reconnu que les soupçons & les aduis qu'on luy auoient donnez estoient tres-faux, & que Monsieur le Prince estoit innocent de toutes les calomnies qu'on luy auoit imposées. Cette reparation auoit obligé son Altesse d'oublier toutes les iniures qu'on a faites iusques-icy à son innocence & à sa reputation; Monsieur le Prince de Conty en auoit donné les assurances à sa Maiesté; Monsieur le Prince les auoit confirmées par ses lettres, lors qu'à son gtand regret il a connu que toutes les satisfactions qu'on luy donnoit, n'estoient qu'imaginaires, & que les actes authentiques de la iustice qu'on luy rendoient n'estoient que des pieges que l'on dressoit à sa liberté; il a veu l'establissement d'un Conseil fait par les ordres du Cardinal Mazarin, sans la participation de Monsieur le Duc d'Orleans, & sans la sienne; il a veu que l'on refusoit à S. A. R. deux iours qu'elle demandoit pour pacifier toutes choses, & qu'avec vne fierté extraordinaire on mesprisoit l'entremise d'un Prince qui a si bien mérité de l'Estat, & si dignement seruy le Roy durant



sa minorité, qui respondoit de l'accommodement, & qui asseuroit que Monsieur le Prince consentoit desia à l'establissement du principal Ministre; il a veu que le premier conseil que l'on donnoit au Roy dans sa Maiorité estoit de payer tous les seruices de S. A. R. d'un mespris iniurieux, & de renuerser tout ce qui auoit esté fait pour le bien du Royaume, en rappelant dans le Ministère toutes les creatures du Mazarin; Que l'esloignement des sieurs Seruien, le Tellier, & Lyonne n'estoit point vn veritable exil, mais vn voyage en attendant la Maiorité, puis qu'ils ont esté mandez, que dans le temps que l'on enuoyoit des Declarations contre le Cardinal, & que l'on faisoit le procez à sa conduite, on luy enuoyoit des lettres par lesquelles le Roy luy donnoit le soin de ses affaires dans Rome, que l'on parloit du retour du Manzini & de sa sœur; & qu'enfin tout le credit du Cabinet & de l'autorité Royale estoient entre les mains de ses ennemis irreconciliables.

Ces considerations obligent Monsieur le Prince de se retirer dans l'une de ses Maisons, en attendant qu'il plaise au Roy de faire reflexion sur l'importance des Seruices que son Altesse a rendus à sa Maiesté, & sur la conduite qu'ont tenuë les Personnes qui l'obsèdent presentement; Il espere que le Roy se ressouuiendra Que lors que Madame de Chevreuse cabaloit chez les Ennemis del' Estar, Monsieur le Prince en triomphoit, que



tandis que M. le Coadjuteur ébranloit son autho-  
 rité, S. A. l'affermissoit par ses seruices & son sang.  
 Que lors que Laigue seruoit de guide à Monsieur  
 l'Archiduc, pour le faire entrer en France, Mon-  
 sieur le Prince estoit à la teste des armées de sa  
 Maiesté, afin de s'y opposer; il espere de la bon-  
 té & de la iustice du Roy, que reiettant les mau-  
 uaises impressions que l'on veut donner à sa Ma-  
 iesté, il ne donnera point sa confiance à des  
 gens qui ne sont connus dans le monde que par  
 leurs factions, & ne souffrira point que des esprits  
 brouillons & seditieux profnent dans le Palais  
 Royal leur fidelité au preiudice d'un Prince qui  
 n'a pas craint de sacrifier sa propre gloire & l'a-  
 mour que les peuples auoient pour luy, afin d'em-  
 pescher l'effet des mauuais desseins qu'on auoit  
 formez contre la Royauté, & que sa Maiesté met-  
 tra beaucoup de difference entre ceux qui ont  
 choqué son autorité en toute rencontre, & ceux  
 qui l'ont maintenüe: Il espere que tous les bons  
 François feront des serieuses reflexions sur l'estat  
 present du Royaume, & leur laisse à iuger du me-  
 rite de ceux qui ont gagné des Batailles, & versé  
 tant de fois leur sang en des perilleuses occasions  
 pour la gloire de la Couronne, & de ceux qui ont  
 si souuent pris des Amnisties pour l'auoir atta-  
 quée, de ceux qui ont deffendu l'estat & de ceux  
 qui l'ont voulu perdre.











